





第三五四册

四庫全書

●上海古籍出版社

本冊目次

平定三逆方略

清勒德洪等奉敕撰……………一

聖祖仁皇帝親征平定朔漠方略(卷)

清溫達等奉敕撰……………四二五

欽定四庫全書

平定三逆方畧卷一至五

史部

欽定四庫全書

史部三

平定三逆方畧

紀事本末類

提要

臣等謹案

平定三逆方畧六十卷康熙二十一年奉

詔修纂恭紀

平定逆藩吳三桂耿精忠尚之信事敬考

實錄以大學士勒德洪明珠李蔚王熙黃機吳正治

欽定四庫全書

平定三逆方畧

為總裁官內閣學士阿蘭泰達岱張玉書翰

林院掌院學士牛鈕為副總裁官其承纂銜

名則原書未載莫能詳也仰惟我

聖祖仁皇帝神武天授統壹寰宇足時平西王吳三

桂封藩雲貴平南王尚可喜封藩廣東靖南

王耿精忠封藩福建恃

恩驕恣日形跋扈康熙十二年因其自乞移藩

詔允所請逆謀既伐是年十一月三桂舉兵反直窺

詳校官編修臣曹振鏞

編修臣張謙履勅

總校官候補中書臣潘有為

校對官中書臣李斯咏

謄錄監生臣邵廷曾

湖廣乃

遣將馳赴荊州進據常德以遏賊勢復

簡八旗勁旅

命將總統隨機剿禦其明年三月耿精忠亦據福建

反而尚可喜子之信迫其父從賊可喜憤死

之信遂遙為煽附閩粵郡縣並時騷動於是

分

遣諸將

欽定四庫全書

平定三逆方略

卷五

三

指授方畧撫剿並施以次戡定三桂放伏吳誅逆孫

世璠尚踞滇中拒命而耿精忠歸正自請入

朝旋訊得其通賊反覆狀磔于市尚之信雖嘗歸正

而心懷兩端鞠實賜死廣東平遠二十年十

月大兵攻圍雲南省城世璠惶懼自殺其屬

悉以眾降乃戮世璠首獻馘京師雲南平用

兵甫八年三逆悉已掃蕩集勲之建

者定之隆亘古未覩也是編告成年月

實錄亦未載惟恭載康熙二十五年十一月

上諭閣臣曰爾等所進平定三逆方略四冊朕已覽

畢其中舛錯頗多如王輔臣由雲南援剿總兵官

授為陝西提督今謂由陝西總兵官陞任至論贊

中援宋太祖杯酒釋兵權事吳三桂非宋功臣可

比乃唐藩鎮之流耳爾等其酌改之仰見是書纂

輯悉經

聖訓裁定詳慎成編是以紀事精審措詞簡括於以

欽定四庫全書

平定三逆方略

卷五

三

彰

威烈而昭萬世洵足媲美謨典矣當時未奉刊布僅

有寫本尊藏

大內今蒙

皇上宣示

特命繕錄編入史庫臣等校錄之餘既欣睹

聖祖仁皇帝實無守成創業之隆亦彌仰我

皇上觀揚

光烈之威云乾隆四十八年三月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

平定三逆方畧

四

欽定四庫全書

平定三逆方畧卷一

恭惟

皇上御極以來政教覃敷恩澤翔洽薄海內外罔不率

俾方偃戈鉅甲以文德懷柔四方煦妪生息

休養萬姓無不屏棄銷弭孽芽時二三藩臣

久分間於外使藩錫予異數有加慮或怙寵

而驕盈深欲僭其終始因其乞骸之陳請

欽定四庫全書

平定三逆方畧

一

爰有勞還之

簡書處其田廬豐具廩餼道里芻秣之費悉戒於有

司俾歸故鄉長享第祿生民無饋餉之艱士

卒無遠戍之苦如天之福甚深甚厚乃滇逆

吳三桂背恩反叛閭閻逆耿精忠粵逆尚之信

相繼煽惑生民荼毒奄及八年當是時兇渠

陸梁鵠張豕突醜類蔓延蜂結蟻聚仰荷

天威赫濯六師四征戰守機宜悉從

指授三方竊踞次第削平三桂窮蹙首伏冥殛精忠

之信既降復謀叛先後皆伏誅獨三桂孽孫

世璠猶困守一隅通誅逆命至康熙二十年

冬十月大兵平雲南世璠授首十一月露布

至

京師

上命宣捷午門擇日告

郊

欽定四庫全書

平定三逆方畧
卷一

廟

社稷

躬謁

列祖山陵

念中外軍民勞苦德音誕敷鴻恩湛被諸王貝勒大臣

暨外藩王等咸謂功德隆盛恭請上

尊號

皇上謙讓至於再三未之聽許御史臣戴王綰同疏言

皇上布昭聖武削平禍亂宵旰經營永清大定耿光威

烈曠古罕有請彙纂成書昭示無極疏入下

內閣翰林院集議以聞禮部尚書武英殿大

學士臣覺羅勒德洪等謹議臣聞歷代紀載

功烈俱有成書迄今可攷者唐興元間有紀

功述元和間有平蔡錄平淮記會昌間有伐

叛記宋建隆間有龍飛日曆天禧間有聖政

記熙寧間有經武要略明洪武間將征伐次

欽定四庫全書

平定三逆方畧
卷一

第彙為日歷歲之金匱彼或借著臣下不皆

獨斷之功亦或姦姦小醜有如推枯之易猶

揭之簡策炳耀可觀豈若我

皇上神機獨運掃除大憝延屢弗靖多方之衆降滅無

遺孽告厥成功八載之間纖毫無遺算師不

宿老方內又安至仁大勇巍巍超越前代文

之一怒武之七德罔不攸兼於茲茲事體大

顧闕而不書雖

聖德高深而不自居覲揚於方將者或無以得其詳且

何以使萬世之為亂臣賊子者懼御史臣言

良是臣等昧死以聞

制曰可於是宣付史館歷次用兵以來平定方略自康

熙癸丑十二年三月始訖於辛酉二十年

康熙十二年三月壬午平南王尚可喜疏請撤兵

可喜世籍遼東明時為廣鹿島副將天聰八年

航海來歸

欽定四庫全書

平定三逆方略
卷一

太宗皇帝招徠遠人不吝爵賞遂擢為總兵官崇德元年

封智順王順治六年改封平南王率所部兵從

大兵下廣東因駐廣州凡二十餘年頗能戢兵

御衆奉職維謹子之信素桀驁動違禮法可喜

初逮入侍繼處其觸冒法網奏請還鎮乃之信

暴橫日甚招納奸宄布為爪牙周利恣行官民

怨讟性嗜酒醉輒殺人常於其父前時又相擬

所為益不法至是可喜引年乞骸骨疏言臣自

奉

命鎮粵以來家口日蕃順治十二年曾具疏請解兵柄

部臣以地方未寧俟後議方令四海昇平臣年

已七十精力就衰正退耕隴畝之日伏念

太宗皇帝時曾賜臣以遼東海州及清陽堡等處地令乞

准臣仍歸遼東安插故土以資養贍計帶兩佐

領甲兵及老穉閒丁約二萬四千有奇沿途夫

船口糧請並議撥給疏入

欽定四庫全書

平定三逆方略
卷一

上嘉其意報曰王自航海歸誠克殫忠盡行間戮力平

定地方効力累朝功績茂著綏戢東粵鎮守巖疆宣

勞歲久覽奏年已七十欲歸遼東耕種情詞懇切具

見恭謹能知大體朕心深為嘉悅令廣東已經底定

王下官兵家口作何遷移安插戶兵二部會同確議

以聞部議東粵既寧應如可喜請於十五佐領內止

以兩佐領官兵家口遷居遼東但尚之信統兵

留鎮父子聯連且藩下將士皆昔與王共甘苦

兩地難析亦非所宜全撤之便疏下議政王貝勒大臣集議議與部臣同

詔從之兵部因言平南藩下綠旗官兵計六千有餘應仍留廣州令廣東提督臣統轄其一切夫馬舟楫俟開具人口馬匹確數及就道有期即遣官撥給

報可

七月庚午吳三桂疏請撤兵

欽定四庫全書

平定三逆方略

卷一

三桂山海衛人父襄為明督理京營總兵三桂以父廕為選將歷封平西伯鎮山海關流賊陷京城三桂按兵不動襄降賊以書招之三桂行至寶邸聞賊據其愛妾輒忿恨旋山海關密請我師時和碩睿親王多爾袞西伐師次翁後三桂迎降

命封為平西王隨大兵入關追剿流賊順治五年同將軍李國翰等至漢中駐鎮其地及全蜀既定隨大

兵平雲南尋進緬甸叙功封平西親王遂留鎮

滇後奏請文武官弁乞自選置既得請益驕塞縱恣陵轢命吏輒布其所私暱於要地不為用者必阨之去治府第起園囿脩侈無等括明黔國公沐民莊田悉為己有詭稱水西土司反叛請攻滅之陽居拓地之切而陰擅其利諸水陸衝要徧置私人權斂市貨因潛購硝磺諸禁物又詭稱蒙古侵中甸邊境要挾軍需以示額餉必不可滅且日練士卒利器器械陰蓄異志其舊部將則陝西提督王輔臣貴州提督李本深四川總兵吳之茂雲南總兵馬寶等時資給之倚為心腹及可書乞歸奏允三桂不自安乃具疏請撤

欽定四庫全書

平定三逆方略

卷一

王仍以溫旨答之曰王自歸誠以來克殫精忠戮力行間功績茂著鎮守嚴疆宣勞歲久覽奏請撤兵安插恭謹可嘉今雲南已經底定王下官兵家口作何遷

移安插戶兵二部確議以聞部議三桂及所部五十

三位領官兵家口應俱遷移疏下議政王貝

勒大臣集議一議吳三桂鎮守巖疆宣勞歲久

戮力行間平定雲南今三桂既奏請撤兵安插

應將三桂并所屬官兵家口俱行遷移至於雲

南有土司苗蠻雜居且控禦西陲尤屬要地宜

遣滿洲官兵四千鎮守俟駐防官兵到日三桂

啟行一議三桂鎮守雲南以來地方寧謐若令

欽定四庫全書

平定三邊方略

八

三桂遷移必須遣兵鎮守兵馬往來驛遞人民

定致苦累且土司苗蠻雜居其地若撥滿洲官

兵四千鎮守則力薄多違則京城兵力又減應

不必令滿洲兵丁駐防仍令三桂鎮守雲南為

便奉

旨著議政王貝勒大臣九卿科道會同確議查一具奏

諸王以下所見不一仍兩議上一議往以雲南

地方未定故令各省協濟兵餉使吳三桂等鎮

守令地方底定仍令各省協濟使其鎮守非永

久之計三桂久鎮巖疆戮力行間勞苦又具題

請撤安插應將三桂并所屬官兵家口均行遷

移若遣滿兵永行駐劄路途人衆難以遣發若

不遣兵三桂遷移之時恐盜賊竊起應暫遣兵

戍守俟戍守官兵到日三桂啟行一議吳三桂

久鎮雲南地方寧謐令若將三桂遷移不得不

遣兵戍守雲南有土司苗蠻雜居若少遣兵則

欽定四庫全書

平定三邊方略

九

力薄多違則京城兵減且戍兵往來暨三桂遷

移沿途驛遞人民並皆苦累又戍守之兵係暫

時屯駐騷擾地方殆未可定相應仍令三桂鎮

守雲南可也奉

旨吳三桂請撤安插所奏情詞懇切著率領所屬官兵

家口俱行搬移前來其滿洲官兵不必遣發該藩起

行如有用滿洲之處該藩奏請時再行遣發於是兵

部言三桂所屬綠旗援勦左右前後四鎮官兵

萬二十人應仍留武定曲靖楚雄等府令督提

臣統轄

報可

丙子耿精忠疏請撤兵

精忠祖仲明遼東人明時為登州參將天聰二

年航海來歸崇德元年封懷順王順治六年改

封靖南王偕尚可喜隨大兵下廣東道卒子繼

茂襲封駐廣州後移駐福建康熙十年繼茂卒

欽定四庫全書

平定三逆方略
卷一

十

精忠襲封王爵輒縱其下為奸利奪農商之業

潛引海外私販肆行無忌大為閩人害又廣集

不軌之徒轉相煽惑及聞可喜奏允亦不得已

疏請撤兵得

旨王祖父以來世殫忠蓋戮力行間勞績茂著及王襲

封鎮守勞在巖疆覽奏請撤安插恭謹可嘉今福建

已經底定王下官兵家口作何遷移安插戶兵二部

確議以聞部議精忠及標下十五佐領官兵家口悉

應遷移復下議政王貝勒大臣集議議與部臣

同

詔從之兵部又言精忠所屬綠旗官兵七千餘人俱令

福建督提臣統轄

報可

臣謹按三桂等之初歸也或以私心被禍勢

急無聊武以海島孤窮志切攀附我

國家廣示招徠曲加撫納以羈旅異姓之臣授以顯爵

欽定四庫全書

平定三逆方略
卷一

十

示用人之無方俾領其衆以屬我行雖有微

勞凡啟疆闢土實惟我熊羆不二心之臣統

率禁旅以徂征於四方宣猷建績彼實無預

屬邊陲甫靖使各留鎮撫其地自分鎮以後

志漸盈滿固利源民我

皇上遠覽前史深鏡歷代藩鎮之害念若屬久握兵柄

分駐巖疆殊為未便因其先後乞還遂

賜俞允惟時廷議紛出我

皇上不徇目前姑息之計收藩臣偏重之權

聖謨宏遠矣

八月壬子

命禮部侍郎哲勒肯等赴雲南戶部尚書梁清標等赴廣東吏部侍郎陳一炳等赴福建

先是

上諭兵部通因四月底定三藩各具疏請撤已允所請

地方應行事務及兵馬機宜必籌畫周詳乃為善後

欽定四庫全書

平定三逆方略

十一

之策應各遣大臣前往會同該藩及總督巡撫提督

商推作何布置官兵防守地方並料理該藩等起行

應遣官員列名具奏兵部尋具諸大臣名以請於是

命哲勒肯等各齎敕諭以行

御書賜吳三桂敕曰自古帝王平定天下式賴師武臣

力及海宇寧謐必振旅班師休息士卒俾封疆重臣

優游頤養賞延奕世寵罔河山甚盛典也王夙篤忠

貞克據猷畧宣勞戮力鎮守巖疆釋朕南顧之憂朕

功懋焉但念王年齒已高師徒暴露久駐遐荒眷懷

良切近以地方底定允王所請擬移安插茲特遣禮

部侍郎哲勒肯等前往宣諭朕意王其率所屬官兵

起裝北來慰朕眷注庶幾旦夕覲止君臣偕樂永保

無疆之休至一應安插事宜已勒所司飭庀周詳王

到日即有寧宇無以為念欽哉

賜尚可喜耿精忠敕畧同

九月丁卯朔

欽定四庫全書

平定三逆方略

十一

命陝西總督鄂善總督雲南軍務寧夏總兵官桑額提

督雲南軍務

先是

上諭吏兵二部雲南遠疆該藩官兵既撤控制須人當

特設總督一員添設提督一員責成專管可速議以

聞議上故有是

命鄂善等未抵任後因三桂反道梗不得前改桑額為

湖廣提督鄂善暫留湖廣軍前

命豫給三藩官兵俸餉

先是

上諭戶部三藩既撤其官兵家口安插地方並所需房屋田土等項俱應預期料理務令到日即有寧居以副朕體恤之意至是又

允戶部議三藩官兵家口起行之前預給俸餉六月其沿途夫船芻粟之屬仍俟報明撥給

十一月丙戌吳三桂反殺雲南巡撫朱國治

欽定四庫全書

平定三逆方畧

十四

三桂素蓄異志陽請撤兵既

報可與其黨日夜謀益急跡跡甚秘數遷行期指勒肯

等既至趣之上道三桂慮謀久事泄遂於是月

二十一日勒兵反執國治殺之指勒肯等被留

先是兵部郎中黨務禮戶部員外郎薩穆哈及

戶部郎中席蘭泰兵部主事辛珠同至貴州為

三桂天船芻糧備及三桂反黨務禮等聞之遂

馳出貴陽赴京上變

李本深以貴州叛從賊雲貴總督甘文焜自殺

三桂既反偽稱天下都招討兵馬大元帥以明

年甲寅為周王元年貴州提督李本深叛應之

主事辛珠不及行與筆帖式薩爾圖俱不屈死

文焜聞變倉猝出貴陽將十餘騎自隨日行數

驛十二月初八日至鎮遠府鎮遠縣守將已應

賊率兵圍之文焜度不免手刃其子遂自刎筆

帖式雅圖華善亦自殺先是文焜與貴州巡撫

欽定四庫全書

平定三逆方畧

十五

曹申吉以三桂反及本深從逆狀手書密報川

湖總督蔡毓榮毓榮調沅州總兵官崔世榮等

疾赴貴州守禦令彝陵總兵官徐治都永州總

兵官李芝蘭各率兵繼進更慮楚省兵單復檄

南汝總兵官周邦寧赴楚應援及文焜死申吉

降於賊賊兵遂逼鎮遠漸入楚境毓榮尋具以

狀

聞

十二月郎中李中黨務禮等還自貴州

命議政王貝勒大臣議出師

會議撥前鋒參領前鋒侍衛前鋒兵各一半每
旗護軍參領五員護軍校尉參領九員每參領
護軍校各一員每佐領護軍七名滿洲蒙古每
旗驍騎參領一員每參領署參領一員散官二
員驍騎校一員每佐領撥什庫二名及兵共十
名漢軍每旗參領一員每參領署參領一員散
官驍林校各一員每佐領撥什庫一名及兵共
五名議入

欽定四庫全書

平定三逆方略
卷一

七

允行

臣謹按成周之法伍兩卒旅之衆寓於比閭
族黨之間為之長者則為之帥閒暇不忘講
武一旦有事即可從戎後世惟唐之府兵得
其遺意我

朝禁旅萃於八旗適符古法兵時

天子之親軍而將皆腹心股肱爪牙訓習有素部勒嚴

明無事則兵歸於伍將歸於

朝有徵則將皆夙備兵已素練無簡稽召募之勞故

三桂反書朝聞而調遣夕辦民方苦于塗炭

望若雲霓而我師之馳驅捷於風雨賊欲掩

我之不備我則疾出其不意以制之詩曰王

旅蹕蹕如飛如翰此之謂也

詔傳撤開粵二藩台梁清標陳一炳等還

欽定四庫全書

平定三逆方略
卷一

七

丁巳

命孫延齡為將軍以線國安為都統

延齡孔有德婿也有德為明登州參將以天聰

七年航海來歸尋賜都元帥敕印崇德元年進

封恭順王順治六年改封定南王率師下廣西

後歿於軍無子有女四貞歸延齡延齡以有德

功為廣西將軍掌理定南王軍事延齡起家素

微庸劣無行能備四貞威不敢抗藩下將士易

之又時擅殺人犯法都統王永年發其罪狀命大臣往鞫得實遂罷職及三桂反

上以廣西境隣貴州且重念有德舊勞特授延齡撫鑒將軍令統兵固守又以國安為都統以其素忠

覲得軍心故也

調西安將軍瓦爾喀進四川

上諭瓦爾喀曰四川與滇接壤今雲南已反爾可率副都統一員悉領騎士選撥將領星馳赴蜀凡自滇入

欽定四庫全書

平定三逆方略卷一

六

川險要之地俱行堅守大兵不日進勦雲南俟我師臨境賊勢漸分儻有可乘之機爾即與提督相機進討至西安等處朕當刻期遣發禁旅前來駐防

臣謹按巴蜀乃滇黔之門戶逆賊豈無窺伺之心顧尚有所未暇使我師扼蜀之險要進

可以取滇退可以守豈獨賊昨死不得入而

湖南之渠逆亦且狐疑狼狽徘徊前却蓋

廟美深矣不意諸將師行少緩蜀變旋作關隴弗靖致

頤

天討益服

睿智之先見也

己未

命多羅順承郡王勒爾錦為寧南靖寇大將軍帥師討

吳三桂

先是議出師時

上命勒爾錦為帥多羅貝勒容尼都統覺羅珠滿鄂爾

欽定四庫全書

平定三逆方略卷一

七

伯伊里布覺羅巴爾布額軍統領伊勒都齊額

司泰前鋒統領碩岱參贊軍務并都統范建禮

王國詔副都統路什巴圖魯託岱穆舒渾希福

阿達泰肯齊赫蘇祐濟根特祖澤純宜思孝柯

奕趙賴等同往是日

上命給勒爾錦寧南靖寇大將軍印總統諸將

賜大將軍王暨貝勒大臣等袍服貂裘白金馬匹甲冑

有差出征將士及匠役等各加倍賞銀以示優

恤

庚申李林等謀叛伏誅

林等時楊起隆黨也先是起隆詐稱朱三太子與林等陰相煽結謀不軌奸民多為所惑鎮黃旗監生郎廷樞家僕亦預焉事覺廷樞急赴公朝告變遣官兵捕治次第就縛惟起隆脫走事下法司訊據稱徒黨甚夥頗皆裹白布身束紅帶為號約歲餘於內城聚事會先發謀遂阻李

欽定四庫全書

平定三逆方略

子

林等相繼被獲至數百餘人法司以聞

上命勘情罪甚者論如律其餘從寬原釋於是法司將李林等二百餘人或論如謀反律寸磔其祖父子孫兄弟及同居暨伯叔父兄弟之子皆斬籍其家獄具

上曰陰倡大逆由李林等九人可論如律祭文等一百九十四人改斬至各犯親屬理宜按律收論但林累過多朕心不悲察從寬宥人口家產俱免入官

臣謹按當法司會訊時賊黨口稱謀叛姓名約有千人

上察置弗問

神機重地么麼蓄禍自千大戮而曲原污染咸與維

新不嗜殺之仁洵卓越往古矣

命副都統瑪哈達領兵駐克州科爾崑領兵駐太原

上諭議政王等大兵進攻楚蜀若須援兵自京遣發難以驟至且致士馬疲勞克州地近江南江西湖廣太

欽定四庫全書

平定三逆方略

主

原地近陝西四川均屬東西孔道苗發兵駐防秣馬以待所在有警便即時調遣可令副都統瑪哈達駐克州科爾崑駐太原

臣謹按兵事莫善於佚而莫殆於勞

廟其深遠命將四出以次相繼酌道里之均為濟師之法緩則駐收警即遞進自時厥後調遣不絕前者甫往後者復來師不宿老不疲勞應援若神所向有功以至於大定多藉於此蓋數